



საქართველოს იუსტიციის უმაღლესი საბჭო

ქ. თბილისი № 1/171

„ 18 „ ნოემბერი 2020 წ.

გ ა ნ კ ა რ ბ უ ლ ე ბ ა

ვ. ზათიაშვილის თელავის რაიონული სასამართლოს მოსამართლის თანამდებობაზე გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ვერიკო ზათიაშვილი 2020 წლის 1 დეკემბრიდან გამწესდეს თელავის რაიონული სასამართლოს მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასახუთება
ვერიკო ზათიაშვილის თელავის რაიონული სასამართლოს
მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2020 წლის 26 ივნისის №1/89 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თელავის რაიონული სასამართლოს მოსამართლის 2 ვაკანტურ თანამდებობაზე.

კანდიდატთა რეგისტრაცია მიმდინარეობდა 2020 წლის 29 ივნისიდან 19 ივლისის ჩათვლით. მითითებულ ვაკანსიაზე დარეგისტრირდა 26 კანდიდატი.

2020 წლის 24 ივლისიდან 21 აგვისტომდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ვერიკო ზათიაშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 24 აგვისტოს.

კანდიდატის შესახებ მოძიებული ინფორმაცია:

ვერიკო ზათიაშვილს აქვს სპეციალობით მუშაობის 17-წლიანი, მათ შორის თბილისის საქალაქო სასამართლოსა და იუსტიციის უმაღლეს სკოლაში სხვადასხვა თანამდებობებზე მუშაობის გამოცდილება.

ვერიკო ზათიაშვილი იუსტიციის უმაღლესი სკოლის მე-14 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით, ვერიკო ზათიაშვილმა წარმატებით გადალახა სრული სასწავლო კურსის ყველა ეტაპი. იგი გამოირჩეოდა პროფესიონალიზმითა და პრეზენტაციის უნარებით.

სკოლაში სწავლის პერიოდში იგი იყო დისციპლინირებული მსმენელი, იცავდა სკოლის წესდებითა და შინაგანაწესით დადგენილ მოთხოვნებს.

სკოლაში სწავლის პერიოდში მის არ დაკისრებია დისციპლინური პასუხისმგებლობა.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ია ბარამიძეს გაესაუბრნენ 12 ოქტომბერს. გასაუბრება წარიმართა ღია სხდომაზე და მას ესწრებოდნენ არასამთავრობო ორგანიზაციების წარმომადგენლები.

კანდიდატის შეფასება:

2020 წლის 5 ნოემბრიდან 12 ნოემბრამდე პერიოდში იუსტიციის უმაღლესი საბჭოს 15-მა წევრმა კანდიდატი ვერიკო ზათიაშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

ვერიკო ზათიაშვილის კეთილსინდისიერების კრიტერიუმით შეფასებისას, საბჭოს შემფასებელმა 8-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო 7-მა მიიჩნია, რომ კანდიდატი აკმაყოფილებს კეთილსინდისიერების კრიტერიუმს.

საბჭოს წევრთა მიერ ვერიკო ზათიაშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1245 ქულა, რაც ქულების მაქსიმალური რაოდენობის 83%-ია.

კენჭისყრის შედეგები:

2020 წლის 18 ნოემბერს თელავის რაიონული სასამართლოს მოსამართლის მე-2 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 14-მა წევრმა მიიღო, ვერიკო ზათიაშვილმა მოიპოვა 13 ხმა.

აღნიშნულ ვაკანსიაზე ბიულეტენში შეყვანილ იქნა 9 კანდიდატი, მათგან 4 ყოფილი მოსამართლე და 5 იუსტიციის უმაღლესი სკოლის ყოფილი მსმენელი.

- | | |
|-------------------------------|------------------------------|
| 1. ბარამიძე ია - 0 ხმა | 6. შოშიაშვილი მაია - 0 ხმა |
| 2. გორგაშვილი სანდრო - 0 ხმა | 7. ხაბალაშვილი ნინო - 0 ხმა |
| 3. გოგალაძე ირმა - 0 ხმა | 8. ჯავახიშვილი მაია - 0 ხმა |
| 4. ზათიაშვილი ვერიკო - 13 ხმა | 9. ჯვარშიშვილი მაია - 0 ხმა. |
| 5. ლობჯანიძე გიორგი - 0 ხმა | |

1 ბიულეტენი გაბათილდა.

დასკვნა:

კანდიდატის - ვერიკო ზათიაშვილის კეთილსინდისიერების და კომპეტენტურობის (პროფესიული თვისებების, წერისა და ზეპირი კომუნიკაციის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა 8 კანდიდატთან შედარებით უპირატესობა მიენიჭა და შესაბამისად, თელავის რაიონული სასამართლოს მოსამართლის თანამდებობაზე 3 წლის ვადით განწესდა ვერიკო ზათიაშვილი.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

